

伊予同里自來交契各貪浮名浮利總悟無常物物般般捐棄  
予先別離甯海又繼而賢來關裏願同志更同心同德同搜玄  
理 慎勿攀緣愛念便甯心甯意全神養氣塵世之中不染不  
著爲最慤慤完全功行常清靜有些消息神光燦潑熠熠地  
是你真底

贈文登王先生

身爲環堵重封重鎖無著無漏無破閑裏尋閑中有閑功果  
常守常清常靜便獨行獨坐獨卧忘機狡更忘名忘利忘人忘  
我 朴實實心實做把多疑多惑多多打過得得來來得得得  
箇甚麼真如如不動覺靈明靈靈則箇真消息是真真相濟

丹陽神光燦

表

胃集七  
川上

真仙來賀

贈醴泉縣任公

任公決烈也待風流專心道上搜求子細研窮何者名爲真修  
認正卽心是佛除心外匪是良由無別法便澄心遣慾捉住猿  
猴 心上纖毫不挂更那堪時復閑想骷髏自是心忘境滅真  
性優游常常心懷惻隱起真慈功行圓周神光燦向大羅恣意  
雲遊

贈醴泉吳郎中

黃金滿屋白玉盈房兒孫羅列成行饒你般般遂意難免無常  
要脫輪迴生滅除非是雲水溪傍常清淨也不須禮念只熱心

香 倣倣風仙了道繼史公歸逝豁豁洋洋兩箇神仙盡是與  
你同鄉卽非遠年傳說是邇來親見嘉祥但放下便管教雲步  
蓬莊

贈淳化老喬先生

頓拋世網猛跳迷坑物外兀兀騰騰恰似孤雲野鶴來往縱橫  
這枚清貧懶漢謝心神不肯勞生無染著另假假拈的做著修  
行 藏伏聰明智慧肯爭頭競角妬賢嫉能萬事俱忘清淨天  
地歸甯三田自然結寶現胎仙當面澄澄神光燦指蓬瀛便是  
前程

贈于瓦甌先生

道藏輯要

丹陽神光燦

堯

胃集七  
川上

有榮有辱有利有害有喜有憂想待有得有失自是有成有敗  
爲人有生有死但有形必然有壞休著有自古來著有有誰存  
在 好認無爲無作道無情無念無憎無愛無我無人無染無  
著無碍無心能消業障遮無無人還悟解無中趣得無生無滅  
超越三界

贈濰州苗先生

休誇美貌休誇年少休誇惺惺俊俏休要誇張能運心機姦狡  
休誇多才多藝更休誇善航家小休誇銜也休誇富貴比賢校  
少 閑想輪迴生死閑閑看丹經子書莊老閑裏尋閑自是通  
玄明奧閑中澄心養氣用閑功鍊成真寶得閑趣做清閑仙子